



Ikamva-Ukunonophela
abantwana bethu

Isifundo ngezoNqulo 1

Isihloko sesifundo: Ukuzalisekiswa kwesithembiso- ukumiwa kwelizwe laseKanana

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sezoNqulo 1 esithi “**Ukuzalisekiswa kwesithembiso- ukumiwa kwelizwe laseKanana.**”

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neepensile, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasu ngaye (Umzekel. SS, RI, okanye Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncdo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amangaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiqinisekison 2.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).
4. Umphathi webandla wesikolo seCawa noTitshala bayafumaneka ukunceda.



Isifundo

Isihloko seSifundo	Ukuzalisekiswa kwesithembiso- ukumiwa kwelizwe laseKanana
Isicatshulwa seBhayibhile	INumeri 27: 18 - 27; IDuteronomi 34 kunye noYoshuwa 3 – 12
Injongo yesifundo	Abantwana bafunda ukuba uThixo uya kusizalisekisa isithembiso sakhe.

Isishwankathelo sesifundo:

- Ekupheleni kohambo lweminyaka engamashumi amane entlango yamaSirayeli, uThixo wathi kuMoses, akasayikungena kwiLizwe Lesithembiso kwaye uza kufa kungekudala.
- UMoses wacela uThixo ukuba akhethe inkokeli entsha yabantu kwaye wanyula uYoshuwa. UMoses wamazisa uYoshuwa kuElazare nakubantu, waza emva koko wabeka izandla kuYoshuwa wammisela njengenkokeli entsha.
- Wabakhumbuza amaSirayeli ngamava abo ngexesha lokuhamba kwabo kwaye wabakhuthaza ukuba bathobele imithetho kunye nemigaqo yeNkosi. INkosi iya kuqhubeka ukuba kunye nabo. UMoses wacela wonke umntu ukuba alandele uJoshua kwaye baqhubeke ukuthembela kuThixo, obancedileyo ukuba balime iLizwe Lesithembiso.
- UThixo wakhokelela uMoses kwincopho yeNtaba yeNebho waza wamvumela ukuba alibone iLizwe Lesithembiso. UMoses wafa waza wangcwatyelwa entabeni.
- Emva koko ke uThixo wathetha noJoshua wamya lela ukuba athi amaSirayeli ahlanganise ukutya, okwanele iintsuku ezintathu, aze aye kuMlambo iJordani. INkosi yathembisa ngokubanika ummangaliso wokuwela umlambo kwanokufika eKanana.
- Ngaphambi kokuba bawele uMlambo iJordani, uThixo wathi kuYoshuwa: “Nyula amadoda alishumi elinambini, indoda nganye kwisizwe ngasinye, kwaye ayalele umntu ngamnye ukuba athwale ilitye emagxeni kuloo ndawo bemi kuyo ababingeleli. Baxelele ukuba babeke amatye phantsi apho uyibeke khona inkampu ngobu busuku.”
- Bamisa iinkampu eGiligali, empuma yeJeriko, kwaye kulapho uYoshuwa wawamisa la matye ekhumbuza ngoncedo lukaThixo lokuwela umlambo iJordani.
- Ngokwentando kaThixo, iYeriko yayisisixeko sokuqala ukuthinjwa ngamaSirayeli.
- Yayijikelezwe ludonga olomeleleyo kwaye kwakubonakala ngathi ayinakwenzeka ukumthimba lo mzi. Kodwa, kwakhona uThixo wenza ulungiselelo lomangaliso.
- Ngokulandela imiyalelo kaThixo, uSirayeli wathimba izixeko ezingamashumi amathathu ananye.
- Ngoku abanako ukuyima iKanana saze sazalisekiswa isithembiso sikaThixo.



Sisifundisa ntoni esi sifundo namhlanje?

- KuYohane 14: 3, uYesu Krestu wathembisa ukusilungiselela indawo ezulwini nokuba uza kubuya kwakhona eze kusithabathela kuye.
- Esi sithembiso siza kuzalisekiswa kwaye kufuneka silungiselele olu suku xa uYesu esiza kusiphuthuma.

Sizilungiselela njani kukubuya kukaYesu Krestu?

- Sifunda kwaye simamele ilizwi likaThixo.
- Siyakholwa kwaye sithembele kwilizwi likaThixo.
- Sithobela ilizwi likaThixo kwaye
- Sithatha inxaxheba emsebenzini kaThixo ngothando nangovuyo.

Yenza umsebenzi 1, 2 no 3 nomntwana wakho.

Iimpendulo zoMsebenzi 1:

Ingxelo	Ileta echanekileyo
Intlola ezimbini zinokholo kuThixo.	G
Apha uThixo wabhengeza iMiyalelo Elishumi.	D
INKosi yanyula aba bazalwana babini njengeenkokheli.	I
Ukondliwa ngexesha lohambo entlango.	C
Igama labahlali bakaThixo phakathi kwabantu baKho.	F
Abazange badinwe kule minyaka ingamashumi amane.	H
Ibhokisi ekwakugcinwe kuyo amacwecwe anemithetho elishumi.	E
Bahlangulwa kumkhosi wamaYiphutha.	A
Bababonisa abantu indlela.	B

Iimpendulo zoMsebenzi 3: Gqibezela iilebhile kwimephu

C = Ekanana	M = iNtaba yeNebho	E = IYiphutha
J = IYeriko	D = Ulwandle oluFileyo	R = Ulwandle Olubomvu
G = IGiligali	M = Ulwandle lweMeditera	M = Intaba yeSinayi (iHorebhe)



Eminye imibuzo esinokuyibuza:

1. Wayeneminyaka emingaphi uMoses xa ukufa kwakhe?

Impendulo: Iminyaka engama 120 ubudala

2. Ngubani umntu owayeza kukhetha inkokeli entsha yamaSirayeli?

Impendulo: NguThixo

3. Ngubani owanyulwa nguThixo njengenkokeli entsha?

Impendulo: NguYoshuwa

4. Lithini igama lesixeko sokuqala esathinjwa ngamaSirayeli?

Impendulo: YiYeriko

5. Alufumana njani uloyiso amaSirayeli kuzo zonke izixeko eziseK0anana?

Impendulo: Balandela imiyalelo kaThixo ngqo; UThixo wabanceda

6. Wenza ntoni uYoshuwa eGiligali ngamatye ali-12?

Impendulo: Wamisela ukukhunjulwa koncedo lukaThixo ekuweleni umlambo iJordani

Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngale mini

Sikelela bonke abazali kunye nabantwana

Kunga singeva ubukho bakho

Sikelela isifundo esiya kuba naso

Nceda usifundise sikukhonze njani

Kwaye sincede senze intando yakho

Ukuze sisondele kufuphi kuwe

Thumela uYesu ukuze asiphuthume

Kwaye kwanga singakulungela ukuhlangana naYe

Amen

Umthandazo emva kwesifundo:

Bawo othandekayo osezulwini

Enkosi ngokusigcina sikhuselekile

Ndincele ukuba ndibe nobubele kumntu wonke

Enkosi ngokuba nguMalusi oLungileyo osithandayo nosikhokelayo., Amen